



აბაშის, ზუგდიდის, მარტვილის, მესტიის, სენაკის, ჩხოროწყუს, წალენჯიხის,  
ხოზის მუნიციპალიტეტებსა და ქალაქ ფოთისა და ქალაქ ზუგდიდის მუნიციპალიტეტებში  
სახელმწიფო რწმუნებულის – გუბერნატორის ადმინისტრაცია

გამარტივებული ელექტრონული ტენდერის საშუალებით  
ავტომანქანების რეცხვის მომსახურების სახელმწიფო შესყიდვის

## სატენდერო დოკუმენტაცია

(CPV კოდი – 50112300)

წინამდებარე დოკუმენტაცია შედგენილია „სახელმწიფო შესყიდვების შესახებ“ საქართველოს კანონის  
და სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანებით  
დამტკიცებული „გამარტივებული ელექტრონული ტენდერისა და ელექტრონული ტენდერის  
ჩატარების წესის“ საფუძველზე

ქ. ზუგდიდი

იანვარი, 2016 წელი.

ს ა რ ჩ ე ვ ი :

|                                                             |   |
|-------------------------------------------------------------|---|
| 1. ტექნიკური დავალება -----                                 | 3 |
| 2. პრეტენდენტის შესახებ წარმოსადგენი ინფორმაცია -----       | 3 |
| 3. მიღება-ჩაბარების და ანგარიშსწორების წესი -----           | 3 |
| 4. დამატებითი ინფორმაცია -----                              | 3 |
| 5. ინფორმაცია საკონტაქტო პირების შესახებ -----              | 4 |
| 6. სახელმწიფო შესყიდვის შესახებ ხელშეკრულების პროექტი ----- | 4 |
| 7. დანართი #1 – რეკვიზიტების ფორმა -----                    | 7 |
| 8. დანართი #2 – ფასების ცხრილის ფორმა -----                 | 8 |

## **1. ტექნიკური დავალება**

1.1. მიმწოდებელმა უნდა უზრუნველყოს სახელმწიფო რწმუნებულის – გუბერნატორის ადმინისტრაციის სარგებლობაში არსებული სედანის, ჯიპისა და პიკაპის ტიპის ავტომანქანების ძარის, სალონისა და საბარგულის რეცხვა/გასუფთავება ხელით, სპეციალური მოწყობილობისა და ხარისხიანი სარეცხი და საწმენდი საშუალებების გამოყენებით;

1.2. პრეტენდენტს ქ. ზუგდიდის ტერიტორიაზე უნდა ჰქონდეს მინიმუმ ერთი (საკუთრებაში ან იჯარით) გამართული, უკონტაქტო რეცხვის ავტოსამრეცხაო;

1.3. შესყიდვის სავარაუდო ღირებულებაა 3500 (სამიათას ხუთასი) ლარი დღგ-ს ჩათვლით.

1.4. გასაწევი მომსახურების სავარაუდო მოცულობაა: სედანი –160 (ას სამოცი) გარეცხვა, ჯიპი/პიკაპი – 270 (ორას სამოცდაათი) გარეცხვა.

1.5. რეცხვის მომსახურება უნდა განხორციელდეს მიმწოდებლის მიერ დამზადებული შესაბამისი მომსახურების უფლების დამადასტურებელი დოკუმენტის (ტალონი) მეშვეობით, შემსყიდველის მიერ ავტოსამრეცხაოზე მისი წარდგენისთანავე.

1.6. ტალონი უნდა შეიცავდეს შემდეგ ინფორმაციას:

- მიმწოდებლის დასახელება;
- ავტომანქანის სახეობა (ტიპი);
- მომსახურების ღირებულება;
- მიმწოდებლის ბეჭედი და/ან ხელმოწერა.

1.7. ტალონი უნდა მოქმედებდეს 2016 წლის 31 დეკემბრის ჩათვლით, მომსახურება გაწეული უნდა იქნეს ტალონის წარმოდგენი ნებისმიერი პირისთვის.

1.8. მომსახურების გაწევის დროს მიმწოდებლის ბრალეულობით შემსყიდველის ავტომანქანისთვის მიყენებული ზიანის აღმოფხვრის ხარჯი ეკისრება მიმწოდებელს.

1.9. მომსახურების გაწევის ვადაა ხელშეკრულების გაფორმებიდან 2016 წლის 31 დეკემბრის ჩათვლით.

## **2. პრეტენდენტის შესახებ წარმოსადგენი ინფორმაცია**

პრეტენდენტმა შესყიდვების ერთიან ელექტრონულ სისტემაში ტექნიკური დოკუმენტაციის სახით უნდა ატვირთოს:

ა) რეკვიზიტები დანართი #1-ის ფორმით;

ბ) ინფორმაცია პრეტენდენტის შესახებ (ავტოსამრეცხაოს ადგილმდებარეობა, ინფორმაცია არსებული აღჭურვილობის შესახებ, ინფორმაცია გამოცდილების შესახებ);

გ) სატენდერო წინადადების ფასი დანართი #2-ს შესაბამისად.

**შენიშვნა:** უფლებამოსილი პირის შემთხვევაში წარმოდგენილი უნდა იყოს უფლებამოსილების დამადასტურებელი დოკუმენტი.

## **3. მიღება-ჩაბარების და ანგარიშსწორების წესი**

3.1. ყოველთვიურად მხარეები ახდენენ გაწეული მომსახურების ურთიერთშედარებას და ადგენენ შესაბამის მიღება-ჩაბარების აქტს.

3.2. ანგარიშსწორება მოხდება ფაქტობრივად გაწეული მომსახურების მოცულობის შესაბამისად, 3.1. პუნქტით გათვალისწინებული წესით მიღება-ჩაბარების გაფორმების შემდეგ, 10 (ათი) საბანკო დღის ვადაში. წინასწარი ანგარიშსწორება (ავანსი) არ გამოიყენება.

## **4. დამატებითი ინფორმაცია**

4.1. სატენდერო წინადადება უნდა მოქმედებდეს არანაკლებ 30 (ოცდაათი) კალენდარული დღის განმავლობაში მისი სისტემაში ატვირთვიდან.

- 4.2. პრეტენდენტს არა აქვს ალტერნატიული სატენდერო წინადადების წარმოდგენის უფლება.
- 4.3. პრეტენდენტს აქვს მხოლოდ ერთი სატენდერო წინადადების წარმოდგენის უფლება.
- 4.4. სატენდერო წინადადება ხელმოწერილი უნდა იყოს ხელმძღვანელის/უფლებამოსილი პირის მიერ.
- 4.5. სახელმწიფო შესყიდვების ერთიან ელექტრონულ სისტემაში სატენდერო წინადადების განთავსებით პრეტენდენტი ავტომატურად ეთანხმება სატენდერო განცხადების მოთხოვნებს.

## **5. ინფორმაცია საკონტაქტო პირების შესახებ**

შესყიდვის პროცედურებთან დაკავშირებული ინფორმაციისა და განმარტებებისთვის შეგიძლიათ მიმართოთ სატენდერო კომისიის აპარატის წევრებს:

ეკა მგალობლიშვილი – ტელ.: 591 41 77 17, ელ. ფოსტა: [ekamgaloblishvili31@gmail.com](mailto:ekamgaloblishvili31@gmail.com) ;

მაკა ფიფია – ტელ.: 591 41 77 06; ელ. ფოსტა: [makapipia1976@gmail.com](mailto:makapipia1976@gmail.com) .

## **6. სახელმწიფო შესყიდვის შესახებ ხელშეკრულების პროექტი**

წინამდებარე დოკუმენტი არის სახელმწიფო შესყიდვის შესახებ ხელშეკრულების პროექტი, რომელიც დაიდება გამარტივებული ელექტრონული ტენდერის ჩატარების შედეგად. ხელშეკრულების პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც დაერთვება ხელშეკრულებას, როგორც მისი განუყოფელი ნაწილი.

### **ხელშეკრულება #**

**ქ. ზუგდიდი.**

**..... 2016 წ.**

ერთის მხრივ სახელმწიფო რწმუნებულის – გუბერნატორის ადმინისტრაცია აბაშის, ზუგდიდის, მარტვილის, მესტიის, სენაკის, ჩხოროწყუს, წალენჯიხის, ხობის მუნიციპალიტეტებსა და ქალაქ ფოთისა და ქალაქ ზუგდიდის მუნიციპალიტეტებში (შემდგომში „შემსყიდველი“), წარმოდგენილი სახელმწიფო რწმუნებულის – გუბერნატორის პირველი მოადგილის კოზა ქანთარია სახით და მეორეს მხრივ ----- (დასახელება), (შემდგომში „მიმწოდებელი“), მისი ხელმძღვანელის ----- (გვარი, სახელი) სახით, „სახელმწიფო შესყიდვების შესახებ“ საქართველოს კანონის და ----- (დასახელება) მიმწოდებლის სატენდერო წინადადების საფუძველზე, #SPA----- გამარტივებული ელექტრონული ტენდერის ჩატარების შედეგად ვდებთ წინამდებარე ხელშეკრულებას შემდეგზე:

### **1. ხელშეკრულებაში გამოყენებულ ტერმინთა განმარტებები**

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – „შემსყიდველსა“ და „მიმწოდებელს“ შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით;
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.3. „შემსყიდველი“ – ორგანიზაცია, რომელიც ახორციელებს შესყიდვას;
- 1.4. „მიმწოდებელი“ – პირი, რომელიც ახორციელებს მომსახურებას მოცემული ხელშეკრულების ფარგლებში;
- 1.5. „მომსახურება“ – ხელშეკრულების მე-2 მუხლით გათვალისწინებული ხელშეკრულების საგანი;
- 1.6. „ტექნიკური დავალება“ – № SPA----- გამარტივებული ელექტრონული ტენდერის სატენდერო დოკუმენტაციის ტექნიკური დავალება, რომელიც დაერთვება ხელშეკრულებას, როგორც მისი განუყოფელი ნაწილი.

### **2. ხელშეკრულების საგანი**

2.1. ამ ხელშეკრულების საგანს წარმოადგენს ავტომანქანების ძარის, სალონისა და საბარგულის რეცხვა/გასუფთავების მომსახურების გაწევა სახელმწიფო ბიუჯეტის სახსრებით, ხელშეკრულების ხელმოწერის დღიდან 2016 წლის 31 დეკემბრის ჩათვლით.

### **3. ხელშეკრულების ღირებულება**

3.1. ხელშეკრულების ჯამური ღირებულება შეადგენს ----- (-----) ლარს;

3.2. ხელშეკრულების ღირებულება შეიცავს მიმწოდებლის ყველა ხარჯს, დაკავშირებულს მომსახურების გაწევასთან და საქართველოს კანონმდებლობით დადგენილ გადასახადებს.

#### **4. მომსახურების მიღება-ჩაბარების წესი**

4.1. მომსახურების მიღება-ჩაბარება ფორმდება მიღება-ჩაბარების აქტით. ყოველთვიურად შემსყიდველი და მიმწოდებელი ახდენენ ფაქტობრივად გაწეული მომსახურების ურთიერთშედარებას, რაზედაც დგება სათანადო აქტი.

4.2. მიმწოდებელმა უნდა უზრუნველყოს ანგარიშ-ფაქტურის ან კანონმდებლობით გათვალისწინებული სხვა დოკუმენტის წარდგენა შემსყიდველისთვის.

#### **5. ანგარიშსწორების წესი**

5.1. შემსყიდველი ანგარიშსწორებას ახორციელებს ხელშეკრულებით გათვალისწინებულ რეკვიზიტებზე, უნაღდო ანგარიშსწორების ფორმით, საქართველოს ეროვნული ვალუტით;

5.2. ანგარიშსწორება განხორციელდება ხელშეკრულების 4.1. პუნქტით გათვალისწინებული აქტის წარმოდგენიდან 10 საბანკო დღის ვადაში..

#### **6. მხარეთა უფლება-მოვალეობები**

6.1. შემსყიდველს უფლება აქვს:

- ა) განახორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე;
- გ) არ აუნაზღაუროს მიმწოდებელს ხელშეკრულების ღირებულება, თუ ირღვევა ხელშეკრულების პირობები.

6.2. შემსყიდველი ვალდებულია:

- ა) გადაუხადოს მიმწოდებელს შეთანხმებული ფასი ხელშეკრულებით გათვალისწინებული ვადებისა და პირობების დაცვით;
- ბ) მიიღოს მიწოდებული მომსახურება;
- გ) დაიცვას ხელშეკრულებით გათვალისწინებული ყველა პირობა.

6.3. მიმწოდებელს უფლება აქვს:

- ა) მოსთხოვოს შემსყიდველს ხელშეკრულებით შეთანხმებული ფასი ხელშეკრულებით გათვალისწინებული ვადებისა და პირობების დაცვით;

6.4. მიმწოდებელი ვალდებულია:

- ა) მიაწოდოს შემსყიდველს ხელშეკრულებით გათვალისწინებული მომსახურება დადგენილი პირობების და ვადების შესაბამისად;
- ბ) დაამზადოს და გადასცეს მომსახურების უფლების დამადასტურებელი დოკუმენტი – ტალონი ხელშეკრულების ხელის მოწერიდან 5 (ხუთი) სამუშაო დღის განმავლობაში;
- დ) აუნაზღაუროს ზიანი შემსყიდველს, თუ ეს ზიანი გამოწვეულია მის მიერ ხელშეკრულების პირობების შეუსრულებლობის ან არაჯეროვნად შესრულების გამო;
- ე) დაიცვას ხელშეკრულებით გათვალისწინებული ყველა პირობა.

#### **7. პასუხისმგებლობა ხელშეკრულების პირობების შეუსრულებლობისათვის**

7.1. მხარეების მიერ ხელშეკრულებით ნაკისრი ვალდებულებების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად;

7.2. ხელშეკრულებით ნაკისრი ვალდებულებების შესრულების ვადების გადაცდენის შემთხვევაში, მხარეს უფლება აქვს დააკისროს დამრღვევ მხარეს პირგასამტეხლო ყოველ ვადაგადაცილებულ დღეზე შეუსრულებელი ვალდებულების 0,2 %-ის ოდენობით, მაგრამ არაუმეტეს ხელშეკრულების ჯამური ღირებულების 10 (ათი) %-ისა;

7.3. იმ შემთხვევაში, თუ დაკისრებული პირგასამტეხლოს თანხა გადააჭარბებს ხელშეკრულების ჯამური ღირებულების 10 (ათი) პროცენტს, მეორე მხარე იტოვებს უფლებას, შეწყვიტოს ხელშეკრულება და მოსთხოვოს დამრღვევ მხარეს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება;

7.4. პირგასამტეხლოს გადახდა არ ანთავისუფლებს მხარეს ძირითადი მოვალეობების შესრულებისაგან.

#### **8. ხელშეკრულებაში ცვლილებების შეტანა და ხელშეკრულების შეწყვეტა**

8.1. ხელშეკრულებაში ნებისმიერი ცვლილება ფორმდება წერილობითი ფორმით, ძალაში შედის მხარეების მიერ ხელის მოწერის შემდეგ და წარმოადგენს ხელშეკრულების განუყოფელ ნაწილს.

8.2. ხელშეკრულების პირობების შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

8.3. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში, მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ;

8.4. მხარე ვალდებულია ამ მუხლის 8.3. პუნქტით გათვალისწინებულ შემთხვევაში თავისი განზრახვის შესახებ არანაკლებ 10 კალენდარული დღით ადრე წერილობით, ან კომუნიკაციის ელექტრონული საშუალებით აცნობოს მეორე მხარეს;

8.5. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე;

## 9. ფორს-მაჟორი

9.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია დაუძლეველი ძალის ზეგავლენით (ფორს-მაჟორი);

9.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას სტიქიური მოვლენებით, ეპიდემიით, ომით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა საყოველთაოდ აღიარებული ფორსმაჟორული გარემოებებით.

9.3. ფორსმაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

9.4. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

## 10. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა უნდა გადაიჭრას ურთიერთმოლაპარაკების საშუალებით. ამ გზით შეთანხმების მიუღწევლობის შემთხვევაში მხარეები უფლებამოსილნი არიან დავის გადასაწყვეტად მიმართონ სასამართლოს მოქმედი კანონმდებლობის შესაბამისად.

## 11. ხელშეკრულების მოქმედების ვადა

11.1. წინამდებარე ხელშეკრულება ძალაშია შედის ხელმოწერის დღიდან და მოქმედებს 2017 წლის 31 იანვრის ჩათვლით.

11.2. შემსყიდველი უფლებამოსილია ვადამდე ცალმხრივად შეწყვიტოს ამ ხელშეკრულების მოქმედება თუ:

ა) მიმწოდებელი არღვევს ამ ხელშეკრულების პირობებს (არ ასრულებს ან არაჯეროვნად ასრულებს);

ბ) მიმწოდებლის მიმართ აღიმრა გაკოტრების ან სანაციის საქმე;

გ) მიმწოდებლის ქონებას დაედო ყადაღა;

დ) მიმდინარეობს მიმწოდებლის რეორგანიზაცია, თუ ეს გარემოება ზეგავლენას ახდენს, ან შესაძლებელია მოახდინოს ხელშეკრულების ჯეროვან შესრულებაზე.

## 12. სხვა პირობები

12.1. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები მეორე მხარის წერილობითი თანხმობის გარეშე;

12.2. მესამე პირებთან ურთიერთობაში მხარეები მოქმედებენ თავიანთი სახელით, ხარჯებითა და რისკით;

12.3. ხელშეკრულება შედგენილია ქართულ ენაზე ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან.

## 13. მხარეთა რეკვიზიტები

**~Semsyidveli~:**

**~mimwodebeli~:**

აბაშის, ზუგდიდის, მარტვილის, მესტიის, სენაკის,  
ჩხოროწყუს, წალენჯიხის, ხობის მუნიციპალიტეტებსა  
და ქალაქ ფოთისა და ქალაქ ზუგდიდის მუნიციპალიტე-  
ტებში სახ. რწმუნებულის – გუბერნატორის ადმინისტრაცია

მის.: ზუგდიდი, ზ. გამსახურდიას გამზ. #45

საიდ. კოდი – 220015141

სახელმწიფო ხაზინა

TRESGE22, ანგ. #200122900

სახელმწიფო რწმუნებულის – გუბერნატორის

პირველი მოადგილე

კობა ქანთარია

რეკვიზიტები

———— (თარიღი)

|                                                                        |  |
|------------------------------------------------------------------------|--|
| პრეტენდენტის იურიდიული ფორმა და დასახელება                             |  |
| საიდენტიფიკაციო კოდი                                                   |  |
| იურიდიული მისამართი                                                    |  |
| ფაქტიური მისამართი                                                     |  |
| მომსახურე ბანკის დასახელება                                            |  |
| მომსახურე ბანკის კოდი                                                  |  |
| IBAN ანგარიშის ნომერი                                                  |  |
| ხელმძღვანელის ან წარმომადგენლობაზე<br>უფლებამოსილი პირის სახელი, გვარი |  |
| მობილური ტელეფონის ნომერი                                              |  |
| ელექტრონული ფოსტა                                                      |  |

თანამდებობა, სახელი, გვარი

ხელმოწერა, ბეჭედი

ფასების ცხრილი

შეესების თარიღი \_\_\_\_\_

(პრეტენდენტის დასახელება)

მომსახურებას გთავაზობთ \_\_\_\_\_ (\_\_\_\_\_) ლარად.

(თანხა ციფრებით)

(თანხა სიტყვიერად)

| # | ავტომატის ტიპი | რაოდენობა | ერთჯერადი რეცხვის<br>ფასი (ლარი) | საერთო ფასი<br>(ლარი) |
|---|----------------|-----------|----------------------------------|-----------------------|
| 1 | სედანი         | 160       |                                  |                       |
| 2 | ჯიპი/პიკაპი    | 270       |                                  |                       |
|   | ს უ ლ          |           |                                  |                       |

თანამდებობა, სახელი, გვარი

ხელმოწერა, ბეჭედი

**შენიშვნა:** გამარჯვებულმა კომპანიამ, შემსყიდველის მოთხოვნის შესაბამისად, ვაჭრობის დამატებითი რაუნდების შედეგად დაფიქსირებული საბოლოო ფასის შესაბამისი (ასეთის არსებობის შემთხვევაში) ფასების ცხრილი უნდა წარმოადგინოს ზემოთ მოცემული ფასების ცხრილის მიხედვით.